



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU UNIJE SOCIJALDEMOKRATA BH

Broj: 03-07-6-272/20  
Sarajevo, 26.07.2021. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole .....	4
Cilj pregleda i kontrole. ....	4
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1 NALAZI.....	5
5.2 PREPORUKE .....	7

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Unije socijaldemokrata BH za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2019. godinu, utvrđeno je da je Unija socijaldemokrata BH prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Unije socijaldemokrata BH za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Unija socijaldemokrata BH finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	40.160,11	100,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>40.160,11</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>40.160,11</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 17.295,55 KM.

## 2. PREDSTAVLJANJE POLITIČKE STRANKE

Naziv političke stranke: Unija socijaldemokrata BH. Skraćeni naziv: USD BH.

Unija socijaldemokrata BH registrovana je kod Općinskog suda u Sarajevu, rješenjem broj: 065-0-F1-15-000007 od dana 23.02.2015. godine. Rješenjem Općinskog suda u Sarajevu, broj: 065-0-F1-19-000007 od 10.12.2019. godine, izvršena je izmjena lica za zastupanje stranke.

Sjedište političke stranke je u Sarajevu, Bajrama Zenunija br. 5.

Lice ovlašteno za zastupanje stranke je Renato Adrović, VD predsjednik stranke.

Lice ovlašteno za podnošenje finansijskih izvještaja za 2019. godinu je Maja Burlović.

Prema podacima iz godišnjeg finansijskog izvještaja za 2019. godinu, Unija socijaldemokrata BH nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Unije socijaldemokrata BH za 2019. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Unije socijaldemokrata BH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju je izvršila pregled finansijskih izvještaja Unije socijaldemokrata BH u periodu od 2015. do 2018. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja Unije socijaldemokrata BH za 2018. godinu, izdat je izvještaj o pregledu sa mišljenjem revizora, nalazima i preporukama stranci da finansijska sredstva obezbijedena za finansiranje stranke koristi u skladu sa utvrđenim programom utroška sredstava, da vodi evidencije o priložima, bez obzira na koji način ih ostvaruje, da poslovne knjige vodi u skladu sa računovodstvenim propisima, odnosno da vodi pravilne evidencije o svojim приходima i rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da postupuje u skladu sa podzakonskim aktima koje donosi Centralna izborna komisija Bosne i Hercegovine.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Unija socijaldemokrata BH nije ispoštovala sve preporuke.

#### **5. NALAZI I PREPORUKE**

##### **5.1 NALAZI**

##### **a) Unija socijaldemokrata BH je prekršila odredbe člana 4. stav (1)<sup>1</sup> Zakona o finansiranju političkih stranaka.**

(1) Programom utroška sredstava za 2019. godinu, politička stranka je planirala ukupne troškove u iznosu od 1.900,00 KM. Prema podacima iz godišnjeg finansijskog izvještaja stranka je ostvarila rashode u ukupnom iznosu od 17.295,55 KM, što je za 15.392,55 KM više od planiranih.

Uvidom u strukturu ostvarenih troškova, koje je stranka iskazala na obrascu 4.1 finansijskog izvještaja (režijsko-administrativni i ostali troškovi), te program utroška sredstava za 2019. godinu, utvrđeno je da je stranka ostvarila: troškove ostalih zakupnina u iznosu od 14.400,00 KM, koji se odnose na zakup putničkog motornog vozila, troškove poreza i drugih obaveza u iznosu od 924,00 KM, troškove platnog prometa u iznosu od 255,00 KM, troškove taksi i novčanih kazni u iznosu od 84,00 KM, a koje nije predvidjela programom utroška sredstava.

(2) Na osnovu ugovora o zakupu putničkog motornog vozila koji je Unija socijaldemokrata BH 09.01.2019. godine zaključila sa članom stranke, kojim je ugovorila mjesečne zakupnine u iznosu od 1.200,00 KM, a obzirom da u godišnjem finansijskom izvještaju nije iskazala troškove goriva<sup>2</sup>, niti je dostavila putne naloge, nije utvrđeno da je vozilo za koje je plaćena zakupnina u iznosu od 14.400,00 KM korišteno za potrebe političke stranke.

<sup>1</sup> U skladu sa odredbom iz člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

<sup>2</sup> U ugovoru o zakupu navedeno da zakupodavac samo ustupa svoje motorno vozilo

Sve navedeno ukazuje da je Unija socijaldemokrata BH prekršila odredbe člana 4. stav (1) Zakona o finansiranju političkih stranaka jer je finansijska sredstva u iznosu od 15.663,00 KM utrošila mimo utvrđenog programa utroška finansijskih sredstava za 2019. godinu, te da sredstva u iznosu od 14.400,00 KM nisu utrošena isključivo za ostvarivanje ciljeva političke stranke.

**b) Unija socijaldemokrata BH prekršila je odredbe člana 5. stav (4)<sup>3</sup> Zakona o finansiranju političkih stranaka.**

Stranka u poslovnim knjigama i u godišnjem finansijskom izvještaju nije iskazala nenovčanu donaciju po osnovu besplatnog korištenja poslovnog prostora u vlasništvu Općine Novi Grad Sarajevo, čime je prekršila odredbe člana 5. stav (4) Zakona o finansiranju političkih stranaka.

Uvidom u Zaključak Općine Novi Grad Sarajevo, broj: 02-05-16548/15 od 27.07.2015. godine, utvrđeno je da je Unija socijaldemokrata BH koristila poslovni prostor u vlasništvu Općine Novi Grad Sarajevo bez naknade.<sup>4</sup>

Politička stranka je korištenjem poslovnog prostora u vlasništvu općine, bez plaćanja zakupnine, primila nenovčanu donaciju, koju je imala obavezu da evidentira u poslovnim knjigama i iskaže u godišnjem finansijskom izvještaju za 2019. godinu.

**c) Politička stranka prekršila je odredbe člana 11. stav (1)<sup>5</sup> i člana 12. stav (1)<sup>6</sup> i stav (4)<sup>7</sup> Zakona o finansiranju političkih stranaka.**

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Unija socijaldemokrata BH nije poslovne knjige vodila u skladu sa računovodstvenim propisima, nije tačno i pravilno evidentirala prihode i rashode i nije pravilno popunila obrasce godišnjeg finansijskog izvještaja, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka i odredbe Pravilnika o godišnjim finansijskim izvještajima političkih stranaka- u daljnjem tekstu: Pravilnik.

(1) Stranka je u obrascu 2 (pregled prometa svih transakcionih računa političke stranke) pogrešno iskazala podatke o novčanom toku putem transakcijskog računa, čime je prekršila odredbe člana 11. Pravilnika.

Stranka je u obrascu 2 godišnjeg finansijskog izvještaja na transakcijskom računu, broj: 1994990031155931 kod Sparkasse bank, iskazala promet izlaza u iznosu od 17.364,24 KM i stanje na dan 31.12.2019. godine u iznosu od 38.096,22 KM. Uvidom u izvode sa pomenutog transakcijskog računa, utvrđeno je da je promet izlaza iznosio 17.352,74 KM, a saldo na dan 31.12.2019. godine je iznosio 38.107,72 KM.

(2) U poslovnim knjigama i godišnjem finansijskom izvještaju stranka nije evidentirala nenovčanu donaciju, niti trošak zakupnine poslovnog prostora koji je koristila u 2019. godini, čime je prekršila odredbe člana 13., 18., 21. i 22. Pravilnika.

<sup>3</sup> Političke stranke dužne su voditi evidenciju o prijemu članarina i dobrovoljnih prihoda, te izdavati potvrde o prijemu članarina i dobrovoljnih priloga.

<sup>4</sup> Akt Općine Novi Grad Sarajevo broj: 01-02-11483/19 od 19.06.2019. godine i akt broj: 02-05/16 od 20.12.2016. godine o rasporedu korišćenja kancelarijskog prostora u ulici Trg solidarnosti br.15.

<sup>5</sup> Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

<sup>6</sup> Politička stranka vodi evidenciju o svojim приходima i rashodima.

<sup>7</sup> Do 31.3. naredne godine politička stranka podnosi finansijski izvještaj u formi koju odobri Centralna izborna komisija BiH.

**d) Bez kvalifikovanja revizijskog mišljenja, skrećemo pažnju na visinu troškova zakupa motornih vozila.**

Uvidom u poslovne knjige, godišnji finansijski izvještaj i drugu dokumentaciju, utvrđeno je da je u periodu od 09.01. do 31.12.2019. godine Unija socijaldemokrata BH, uzimala pod zakup putničko motorno vozilo, po cijeni koja je neprimjereno visoka u odnosu na tržišne ili fer cijene.

Stranka je sa fizičkim licem imala zaključen Ugovor o zakupu putničkog motornog vozila uz mjesečnu zakupninu od 1.200,00 KM<sup>8</sup>, te je po navedenom osnovu fizičkom licu u 2019. godini isplatila sredstva u iznosu od 14.400,00 KM.

## **5.2 PREPORUKE**

*Preporučuje se Uniji socijaldemokrata BH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da svake godine donosi precizan i jasan program utroška sredstva i da finansijska sredstva osigurana za finansiranje političke stranke koristiti isključivo za ostvarivanje ciljeva utvrđenih svojim programom i statutom,*
- *da vodi evidencije o priložima, bez obzira na koji način ih ostvaruje,*
- *da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

## **KOMENTAR**

U svom očitovanju politička stranka navodi neutemeljene činjenice, te iste nisu uticale na nalaze revizije. Takođe, stranka navodi da su zbog manjka informacija i tehnički neispravne evidencije napravljene greške u godišnjem finansijskom izvještaju, ali da će navedene preporuke uzeti u obzir u narednom periodu.

Pomoćnik revizora  
Mr.sc. Goran Cicović

Šef Službe za reviziju  
Mr.sc Hasida Gušić

---

<sup>8</sup> Ugovor o zakupu putničkog motornog vozila zaključen je sa Jurić Dragom, članom političke stranke.